



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel VIII. Hoe wijselijck dat hy ghedaen heest bewarende fijn trouwe
aen sijn broeders, ende belijdende sijn ghelooue.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

seght in't Euangelie: Alle die my belijden sal veur Mat. 10
 den menschen / dien sal ick oock belijden veur mij-
 nen Vader die inde hemelen is. Maer soo wie my
 loochent veur de menschen / dien sal ick oock looch-
 nen veur mijnen Vader die inde hemelen is. Dus
 danighe dinghen heeft hy doen ter tijdt de gemeyn-
 te deur de aen-staende troublé seer bebreest ende be-
 ducht zynde / vierighlijck ende sozghbuldighlijck
 gheleert. Maer naer-der-handt heeft hy de selue
 leeringe mette wercken seer crachtelijck bevesticht/
 ghelijck wy in onse historie breedelijck hebben be-
 toont. Want my dunckt dat inde selue opentlijck
 ghenoech wordt bewesen wat groote vroom-her-
 tighepdt dat dese man ghehadt heeft om pijnen en-
 de schamperhepdt te verdragen veur de Catholij-
 ke religie / wat vierighen gheest ende begheerte totte
 martprie / ende wat liefde dat hy tot den lesten upt-
 gangh des leuens teghen sijn mede-broeders heeft
 ghedragen.

CAPITTEL VIII.

Hoe wijselijck dat hy ghedaen heeft bewarende
 sijn trouwe aen sijn broeders, ende belijden-
 de sijn ghelooue.

DAn ghelijck is de quade ghewoonte der booser
 menschen / dat sy alle t'ghene dat sy inde goe-
 de menschen die sy haten frap ende loffelijck merc-
 ken / t'selue int quaedt nemen / ende ont-eeren met
 hy-naem van eenigh ghebzeck dat de selue deughde
 ghelijck magh wesen: al-soo zijnder oock gheweest/
 die des vromen Martelaers trouwe teghē sijn broe-
 ders soo vastelijck bewaert / ende sijn on-verwone-
 nen verdraghelijckhepdt van soo vele moepelijck-
 heden ende vande doodt / ombeleefdelijck willende
 schob-

schobberé / met aue-rechte namen hebben genoemt:
 d'een hoouerdighe couragie / d'andere onbeweghe-
 lijcke herd-neckighe moedt-willighepdt. De ho-
 ueerdighe couragie hieten sy / dat hy om sijn trou-
 we (ghelijck sy sepden) die hy onwyselgck en licht-
 beerdelijck aen sijn mede-broeders hadde verbondé /
 in gheener manieren en heeft connen daer toe ghe-
 braght worden / dat hy sonder hen / die hy niet hel-
 pen en moghte / sy-seluen soude laten helpen ende
 upt t'perijckel verlossen. Maer de herd-neckighepdt
 was / volghende hunne woorden / dat de Daepsche
 religie soo diep in't binnenste van sijn hert ghegriffiet
 was / dat sy niet gheen gheweldt noch constigh on-
 der-wijs daer upt te roepen en was. Ende al-soo
 hebben sy van dese heerlijcke deughden fauten ende
 ghebzeken ghemaect. Teghen de welke klinkt
 Ma. 1. het dreygemét van den Propheete: Wee die t'quaedt
 goedt noemt / ende t'goedt quaedt. Andere zijnder
 gheweest die sijn simpelhepdt niet sonder beghecken
 hebben berispt / oft om dat hy sijn ghevoelen aen-
 gaende de religie om sijn mede-ghesellen wille niet
 en heeft willen gheueynsen / noch hen-lieden raden
 t'selue te doen / oft om dat hy emmers sijne eyghene
 verlossinghe (die hem sonder sijn mede-broeders
 moghte ghebeuren / sonder de belijdinghe des ghe-
 loofs te cozt te doen) al te dwaeselijck / naer hun ad-
 uijs / heeft weder-leght. Maer o heylighe simpel-
 Ma. 10 hepdt der dupuen / die hem / naer d'bevel des Hee-
 ren / de wijshpdt der serpente niet ontnomen en
 heeft. Want dit is een waerachtighe wijshpdt die
 ons deur het exempel van het serpent van Christus
 onsen Saligh-maeker wordt veur-ghestelt om
 naer te volghen / dat ghelijck het serpent om sijn
 hoofdt te salueren ende te beschermen t'gheheel li-
 chaem teghen-stelt; al-soo wy oock om te verrij-
 ghen

ghen ende te bewaren de principaelste goeden die alleen op-rechte goeden zijn / al watter anders goet woꝝdt ghenoeint / als de saecken al-soo ghelegghen zijn / verliesen ende selue van ons werpen sullen. Maer dese Chyristelycke ende heplighe / ende naer Godt gheschickte wyshepdt / is den wijlen mensche van deser werelddt onbekent / iae dat meer te beclagghen is / sy woꝝdt van hen begeert / ende als een enckele dwaeshepdt veracht ende verstooten / niet merckende noch verstaende als sy sulchs doen / ende al-soo aue-recht inde saecken ordeelen / dat sy niet alleen soo vele dupsenden Martelaers / maer oock het hoofdt der Martelaren onsen Heere Chyristum inde selfste mis-daedt willen trecken / ende ouersulchs soo wel Chyristum als allen de Martelaers beroouen van hunnen behoorzlycken lof deur hunne passien ende stryden.

CAPITTEL IX.

Dat P. Nicolaes dubbel Martelaer is.

Fullen wy dan P. Nicolaes dieck veur gheen Martelaer houden? Iae wy / segghe ick / ende oock dubbel Martelaer. Want wilt-dy de pijn aen-sien / twee-mael is hy metten strop ghewoꝝght / op-ghehanghen / twee-mael heeft hy de pyenen des doodts verdraghen / twee-mael heeft hy soo vele als aen hem loghe de doodt gheleden. Want de doodt die hy ten Ziel heeft ghelmaecht / hadde hy te Gorcom te veuren gheproeft / tot dien eynde alleenelyck deur Godts ghehenghenisse in't leuen bewaert / op dat hy sijn broeders inden periculeusen strydt soude verstercken ende veur sijn seluen een dubbel croone vercryghen van Gode. Wilt-dy aen-sien de oorzaecke des lydens / ghy sult hem van deser